

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 52. Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21) i člana 12. Pravilnika o procedurama za povrat pogrešno ili više uplaćenih javnih prihoda sa jedinstvenog računa trezora Zeničko-dobojskog kantona („Službene novine Zeničko-dobojskog kantona“, broj: 6/05, 8/12 i 6/23), na prijedlog Ministarstva finansija, Vlada Zeničko-dobojskog kantona, na 19. sjednici, održanoj dana 29.02.2024. godine, d o n o s i

ZAKLJUČAK

I.

Prihvata se Informacija Ministarstva finansija Zeničko-dobojskog kantona o više uplaćenim javnim prihodima po osnovu poreza na dobit u 2023. godini od strane privrednog društva ArcelorMittal Zenica d.o.o.

II.

Daje se ovlaštenje Ministarstvu finansija Zeničko-dobojskog kantona da u saradnji sa Kantonalnim poreznim uredom Zenica i Kantonalnim pravobranilaštvom Zeničko-dobojskog kantona pristupi pregovorima sa privrednim društvom ArcelorMittal Zenica d.o.o., u cilju sporazumnog rješenja povrata u ratama više uplaćenih javnih prihoda po osnovu poreza na dobit u 2023. godini, uplaćenih od strane privrednog društva ArcelorMittal Zenica d.o.o.

III.

Zaključak stupa na snagu danom donošenja.

Broj: 02-_____/24
Datum, 29.02.2024. godine
Z e n i c a

PREMIJER
po ovlaštenju

Dženana Čišija

DOSTAVLJENO:

1x Ministarstvo finansija,
1x Kantonalno pravobranilaštvo Zenica,
1x Kantonalni porezni ured Zenica,
putem Ministarstva finansija,
1x a/a.

**ZENIČKO-DOBOJSKI KANTON
MINISTARSTVO FINANSIJA
ZENIČKO-DOBOJSKOG KANTONA**

INFORMACIJA

**o više uplaćenim javnim prihodima po osnovu poreza na dobit u 2023. godini od strane
privrednog društva ArcelorMittal Zenica d.o.o.**

Februar 2024. godine

I UVOD:

Odredbama člana 52. Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je:

„(1) Informacijom se Vlada informiše o određenim pitanjima, odnosno problemima.

(2) Informacija treba da bude sažeta, pregledna, da obuhvata podatke koji omogućavaju ocjenu određenog pitanja, odnosno problema i da, po pravilu, sadrži prijedloge zaključaka.“

S tim u vezi, Ministarstvo finansija Zeničko-dobojskom kantona je pripremilo ovu Informaciju.

II PREDMET INFORMACIJE:

Ministarstvu finansija Zeničko-dobojskom kantona je dana 05.10.2023. godine dostavljeno Rješenje o uvrđivanju pogrešno - više uplaćenih javnih prihoda, broj: 13-4/1-12-6-96/23 A.H. od 13.09.2023. godine, doneseno od strane Porezne uprave Federacije Bosne i Hercegovine, Kantonalnog poreznog ureda Zenica, Porezne ispostave Zenica.

Navedenim Rješenjem utvrđeno je postojanje više uplaćenih javnih prihoda po osnovu poreza na dobit u ukupnom iznosu od 9.847.864,00 KM od strane poreznog obveznika ArcelorMittal Zenica d.o.o.

Povrat pogrešno ili više uplaćenih prihoda koji nisu uplaćeni u tekućoj godini, vrši se sa transakcijskog računa korisnika javnih prihoda, u skladu sa članom 12. Pravilnika o procedurama za povrat pogrešno ili više uplaćenih javnih prihoda sa jedinstvenog računa trezora Zeničko-dobojskog kantona („Službene novine Zeničko-dobojskog kantona " broj: 6/05, 8/12 i 6/23).

S tim u vezi, Ministarstvo finansija Zeničko-dobojskom kantona je u skladu sa Rješenjem o uvrđivanju pogrešno - više uplaćenih javnih prihoda, broj: 13-4/1-12-6-96/23 A.H. od 13.09.2023. godine, donesenim od strane Porezne uprave Federacije Bosne i Hercegovine, Kantonalnog poreznog ureda Zenica, Porezne ispostave Zenica i Pravilnikom o procedurama za povrat pogrešno ili više uplaćenih javnih prihoda sa jedinstvenog računa trezora Zeničko-dobojskog kantona („Službene novine Zeničko-dobojskog kantona " broj: 6/05, 8/12 i 6/23), donijelo svoje Rješenje o odobravanju povrata, broj: 07/02-01-11-15073-1/23 od 09.11.2023. godine.

Stvarno stanje utvrđeno je na osnovu priložene dokumentacije u skraćenom postupku, a u skladu sa članom 139. Zakona o upravnom postupku ("Službene novine FBiH" broj 2/98, 48/99 i 61/22).

Tačkom 1. dispozitiva Rješenje Ministarstva finansija Zeničko-dobojskom kantona o odobravanju povrata, broj: 07/02-01-11-15073-1/23 od 09.11.2023. godine je propisano: "Odobrava se poreznom obvezniku „ArcelorMittal“ d.o.o. Zenica, ul. Bulevar Kralja Tvrtka I br. 17, 72000 Zenica, ID: 4218019500004, povrat više uplaćenih javnih prihoda na depozitni račun Zeničko-dobojskog kantona broj 1340100000001672, u ukupnom iznosu od 9.847.864,00 KM, na ime poreza na dobit, vrsta prihoda 711211, općina 103.“

S tim u vezi, dana 28.12.2023. godine od strane Ministarstva finansija Zeničko-dobojskog kantona izvršen je povrat dijela sredstava sa transakcijskog računa Zeničko-dobojskog kantona broj 1340100000017386, na račun imenovanog broj: 3389002207278563, otvoren kod UniCredit banke, u iznosu od 1.000.000,00 KM, u skladu sa raspoloživim sredstvima u Budžetu.

Na 20. sjednici Skupštine Zeničko-dobojskog kantona koja je održana dana 22.12.2023. godine, donesen je Budžet Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23).

Članom 32. i 33. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj: 102/13, 9/14-isp., 13/14, 8/15, 91/15, 102/15, 104/16, 5/18, 11/19, 99/19 i 25a/22), propisan je postupak izrade i donošenja Budžeta.

Odredbama člana 37. stav 1. tačka g) Ustava Zeničko-dobojskog kantona ("Službene novine Federacije Bosne i Hercegovine", broj: 7/96 i "Službene novine Zeničko-dobojskog kantona", broj: 1/96, 10/00, 8/04 i 10/04), je propisano da Skupština Zeničko-dobojskog kantona donosi Budžet.

Budžet Zeničko-dobojskog kantona za 2024. godinu je pripreman na osnovu dostavljenih projekcija prihoda od strane Direkcije za ekonomsko planiranje Bosne i Hercegovine, Odjeljenja za makroekonomsku analizu Uprave za indirektno oporezivanje Bosne i Hercegovine, Revidiranih projekcija Federalnog ministarstva finansija broj: 05-12-5-3614/23-2 od 20.10.2023. godine za indirektnu poreze, porez na dobit i porez na dohodak i Mišljenja Federalnog ministarstva finansija, dok je predložena visina rashoda i izdataka, nakon detaljnih konsultacija članova Vlade, utvrđena u saradnji sa resornim ministarstvima.

Također je potrebno naglasiti, da su prihodi iz namjenskih, vlastitih i sredstava donacija planirani u visini koju su dostavili budžetski korisnici u svojim budžetskim zahtjevima, a čine ih neutrošena sredstva iz 2023. godine i očekivani priliv u 2024. godini, te da se prilikom utvrđivanja rashodovne strane Budžeta moralo voditi računa i o svim drugim ustavnim i zakonskim obavezama Zeničko-dobojskog kantona.

S tim u vezi, u Budžetu Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), budžetska organizacija 17 01 001 – Ministarstvo finansija, ekonomski kod – 614800 Drugi tekući rashodi, funkcionalna klasifikacija - 0112, HAD 801 - Naknade za povrat više ili pogrešno uplaćenih sredstava, planirana su sredstva u ukupnom iznosu od 4.000.000,00 KM, odnosno iz navedenih objektivnih okolnosti nije se mogao planirati povrat ukupnog iznosa prema poreznom obvezniku ArcelorMittal Zenica d.o.o. u visini od 8.847.864,00 KM.

Navedeni iznos od 4.000.000,00 KM je planiran za sve naknade za povrat više ili pogrešno uplaćenih sredstava sredstva iz Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), a po osnovu rješenja donesenih za povrat pogrešno ili više uplaćenih javnih prihoda u skladu sa odredbama Pravilnika o procedurama za povrat pogrešno ili više uplaćenih javnih prihoda sa jedinstvenog računa trezora Zeničko-dobojskog kantona („Službene novine Zeničko-dobojskog kantona " broj: 6/05, 8/12 i 6/23).

Obim preuzimanja obaveza od strane Budžeta Zeničko-dobojskog kantona za 2024. godinu, po osnovu predmetnog Rješenja, moći će se vršiti samo do iznosa planiranog za navedene namjene u Budžetu Zeničko-dobojskog kantona za 2024. godinu.

Iz dostavljenog Rješenja o uvrđivanju pogrešno - više uplaćenih javnih prihoda, broj: 13-4/1-12-6-96/23 A.H. od 13.09.2023. godine, donesenog od strane Porezne uprave Federacije Bosne i Hercegovine, Kantonalnog poreznog ureda Zenica, Porezne ispostave Zenica i Rješenja Ministarstva finansija Zeničko-dobojskom kantona o odobravanju povrata, broj: 07/02-01-11-15073-1/23 od 09.11.2023. godine, proizilazi finansijska obaveza po Budžet Zeničko-dobojskog kantona, prema poreznom obvezniku ArcelorMittal Zenica d.o.o., na ime povrata više uplaćenih javnih prihoda na depozitni račun Zeničko-dobojskog kantona, u ukupnom preostalom iznosu od 8.847.864,00 KM, na ime poreza na dobit, vrsta prihoda 711211.

U knjigovodstvenim evidencijama od strane Ministarstva finansija Zeničko-dobojskog kantona, navedeni iznos je uknjižen kao obaveza Zeničko-dobojskog kantona prema poreznom obvezniku ArcelorMittal Zenica d.o.o.

Dakle, iz navedenog proizilazi da je za realizaciju Rješenja o uvrđivanju pogrešno - više uplaćenih javnih prihoda, broj: 13-4/1-12-6-96/23 A.H. od 13.09.2023. godine, donesenog od strane Porezne uprave Federacije Bosne i Hercegovine, Kantonalnog poreznog ureda Zenica, Porezne ispostave Zenica i Rješenja Ministarstva finansija Zeničko-dobojskom kantona o odobravanju povrata, broj: 07/02-01-11-15073-1/23 od 09.11.2023. godine,

potrebno obezbijediti dodatna finansijska sredstava u Budžetu Zeničko-dobojskog kantona, u skladu sa opredjeljenjem Vlade i Skupštine Zeničko-dobojskog kantona po navedenom pitanju.

Ministarstvo finansija u ovome trenutku ne može prejudicirati obim preuzimanja obaveza od strane Budžeta Zeničko-dobojskog kantona, posebno u narednim budžetskim godinama, po navedenom pitanju, niti može prejudicirati visinu ostvarenja javnih prihoda u narednim budžetskim godinama, pa samim tim ni realne mogućnosti preuzimanja obaveza od strane Budžeta Kantona za navedenu namjenu.

U međuvremenu, dana 08.02.2024. godine porezni obveznik ArcelorMittal Zenica d.o.o. se obratio Ministarstvu finansija Zeničko-dobojskom kantona Zahtjevom za povrat ostatka više uplaćenih javnih prihoda po Rješenju Ministarstva finansija Zeničko-dobojskom kantona o odobravanju povrata, broj: 07/02-01-11-15073-1/23 od 09.11.2023. godine.

S tim u vezi, iz svih gore navedenih objektivnih razloga Ministarstvo finansija se ne smatra odgovornim ukoliko predmetno Rješenje ne bude moguće realizovati u razumnom roku.

Međutim, Ministarstvo finansija će u narednom periodu u skladu sa usvojenim Budžetom Zeničko-dobojskog kantona za 2024. godinu i raspoloživom realnom prilivu javnih prihoda u Budžet Kantona, postupati po navedenom Rješenju o odobravanju povrata, broj: 07/02-01-11-15073-1/23 od 09.11.2023. godine.

Poglavljem IV „Umanjenje preplate za naredne (buduće) obaveze“ Pravilnika o procedurama za povrat pogrešno ili više uplaćenih javnih prihoda sa jedinstvenog računa trezora Zeničko-dobojskog kantona („Službene novine Zeničko-dobojskog kantona " broj: 6/05, 8/12 i 6/23), u članu 20. i 21. je propisano:

„Iz preplate, odnosno više plaćenih javnih prihoda može se izmiriti druga dospjela porezna obaveza i druga obaveza u skladu sa zakonom i podzakonskim aktima i vršiti umanjenje uplate za naredne (buduće) obaveze.

Umanjenje obaveze iz preplate za uplate u narednom periodu može se vršiti po osnovu različitih obaveza, odnosno različitih vrsta prihoda koji pripadaju istom depozitnom računu.

Nadležni organ koji vodi analitičku evidenciju po zahtjevu uplatioca može vršiti preknjižavanje pogrešno ili više uplaćenih prihoda i umanjenje obaveze za buduće uplate sa jedne vrste prihoda na drugu, sa jedne općine na drugu i sa jedne budžetske organizacije na drugu, u skladu sa Zakonom o Poreznoj upravi Federacije Bosne i Hercegovine ("Službene novine Federacije BiH", broj 33/02 i 28/04) i drugim zakonima i propisima kojima je regulisano preknjižavanje pogrešno ili više plaćenih prihoda i umanjenje preplate za buduće obaveze.

Organ iz stava 1. ovog člana obavještava nadležni trezor o izvršenom preknjižavanju i prati realizaciju tog preknjiženja kod nadležnog trezora kroz obrazac B-2.“

Odredbama člana 70., 71. i 72. Zakona o poreznoj upravi Federacije Bosne i Hercegovine ("Službene novine Federacije BiH" broj: 33/02, 28/04, 57/09, 40/10, 29/11 - odluka US, 27/12, 7/13, 71/14, 91/15 i 44/22), propisano je:

„Osim ako nije drugačije propisano poreznim zakonima, iznos uplate porezne obaveze koji prelazi iznos te porezne obaveze, u skladu sa stavom 5. člana 39. ovog zakona, će se iznos te preplate zajedno sa dospjelim kamatama prema članu 69. ovog zakona, odbiti od buduće porezne obaveze ili vratiti poreznom obvezniku u skladu sa odredbama ovog poglavlja.

Nadležni porezni ured obavještava poreznog obveznika koji je preplatio svoju poreznu obavezu o preplati u roku od dvadeset (20) radnih dana od dana otkrivanja da je preplata izvršena. Obavijest uključuje ukupan iznos preplate, iznos preplate koji će se automatski odbiti od buduće porezne obaveze prema članu 71. ovog zakona i iznos preplate koji se može odbiti od buduće porezne obaveze ili vratiti poreznom obvezniku u skladu sa članom 72. ovog zakona.

Iznos preplate će se automatski odbiti do iznosa druge porezne obaveze poreznog obveznika, vodeći računa o pripadnosti prihoda.

Ako je druga porezna obaveza poreznog obveznika veća od iznosa preplate, onda će se preplata koristiti za izmirenje te porezne obaveze na način propisan u st. 2. i 3. člana 39. ovog zakona.

Iznos preplate koji je automatski odbijen prema stavu 1. ovog člana smatra se plaćenim na dan uplate koja je rezultirala preplatom.

Ako je ukupni iznos preplate koji se automatski odbija od druge porezne obaveze, prema članu 71. ovog zakona, veći od te porezne obaveze, porezni obveznik može birati da Porezna uprava preplatom izmiri buduće porezne obaveze ili tražiti povrat preplate. Povrat preplate koji porezni obveznik zahtjeva prema stavu 1. isplatit će se u roku od dvadeset (20) radnih dana nakon prijema zahtjeva, osim ako nije drugačije propisano poreznim zakonima.“

S tim u vezi, kao jedno od mogućih rješenja navedenog problema je mogućnost da se u saradnji sa Kantonalnim poreznim uredom Zenica navedeni više uplaćeni javni prihodi izmire umanjenjem drugih dospjelih poreznih obaveza poreznog obveznika ArcelorMittal Zenica d.o.o. prema Budžetu Zeničko-dobojskog kantona.

Također, u skladu sa opredjeljenjem Vlade i Skupštine Zeničko-dobojskog kantona, može se planirati veći iznos sredstava za navedenu namjenu u Budžetu Zeničko-dobojskog kantona za naredne godine ili u eventualnim Izmjenama i dopunama Budžeta Zeničko-dobojskog kantona za 2024. godinu.

Imajući u vidu sve navedeno, u skladu sa odredbama člana 52. Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), Ministarstvo finansija Zeničko-dobojskom kantona je pripremilo ovu informaciju za Vladu Zeničko-dobojskog kantona kako bi istu informisali o navedenom pitanju, odnosno problemu.

III PRIJEDLOG ZAKLJUČAKA

Uz saglasnost Vlade Zeničko-dobojskog kantona, Ministarstvo finansija Zeničko-dobojskog kantona bi u saradnji sa Kantonalnim poreznim uredom Zenica i Kantonalnim pravobranilaštvom Zeničko-dobojskog kantona, trebalo pristupiti pregovorima sa privrednim društvom ArcelorMittal Zenica d.o.o., u cilju sporazumnog rješenja pitanja povrata u ratama više uplaćenih javnih prihoda po osnovu poreza na dobit u 2023. godini, uplaćenih od strane privrednog društva ArcelorMittal Zenica d.o.o.

Broj: 07-11-15073-1/23
Z e n i c a, 23.02.2024. godine



MINISTRICA

Dženana Čišija

DOSTAVLJENO:

- 1x Ministarstvo finansija,
- 1x Kantonalno pravobranilaštvo Zenica,
- 1x Kantonalni porezni ured Zenica,
putem Ministarstva finansija,
- 1x a/a.

7853



ArcelorMittal

404

Bosna i Hercegovina
Federacija Bosne i Hercegovine
Zeničko – dobojski kanton
Ministarstvo finansija Zeničko – dobojskog kantona

ZENIČKO-DOBOJSKI KANTON			
PRIMLJENO: 08-02-2024			
Org. jedinica	Klasifik. oznaka	Redni broj	Broj priloga
07	11	150731	1

Zenica, 08.02.2024.

23

Predmet: Zahtjev za povrat više uplaćenih javnih prihoda

Veza: Rješenje o odobravanju povrata broj 07/02-01-11-15073-1/23 od 09.01.2023.

Poštovani,

ArcelorMittal Zenica, d.o.o. je dana 30.11.2023. godine zaprimio Rješenje o odobravanju povrata, broj:07-02-01-11-15073-1/23 od 09.11.2023. godine kojim se poreznom obvezniku ArcelorMittal Zenica, d.o.o., ID: 4218019500004 odobrava povrat više uplaćenih javnih prihoda – porez na dobit u iznosu od 9.847.864,00 KM.

Dana 28.12.2023. godine izvršen je povrat dijela odobrenog povrata sredstava u iznosu od 1.000.000,00 KM.

Imajući u vidu da je predmetno Rješenje izvršno, molimo da u skladu sa dispozitivom Rješenja i važećim propisima, izvršite povrat ostatka sredstava na račun obveznika ArcelorMittal Zenica d.o.o. Zenica, broj računa: 3389002207278563 otvoren kod Unicredit Bank d.d. Bosna i Hercegovina.

Molimo za hitnost.

Prilog:

- Kopija Rješenja, broj:07/02-01-11-15073-1/23



Finansijski direktor

Azra Čabaravdić

ArcelorMittal Zenica, d.o.o.
Kralja Tvrtka I br. 17
72000 Zenica P.P. 12
Bosna i Hercegovina
Reg. br. 1-7460
Općinski sud Zenica

Tel. cent. ++ 387 (0)32 467 000
Fax. ++ 387 (0)32 467 026
www.arcelormittal.com
Identifikacijski broj: 4218019500004

Transakcijski računi:
161-055-00001400-03 Raiffeisen bank dd BiH Sarajevo
338-900-22072785-63 UniCredit Bank d.d.
134-010-00000051-64 IKB Zenica Zenica

Broj: 13-4/1-12-6- 96/23 A.H.
Zenica, 02.10.2023.godine

ZENICA KANTON	
05-10-2023	Broj priloga
07-11-15078/23	

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO FINANSIJA-FINANSIJA
SEKTOR TREZORA

PREDMET: Dostava rješenja

Na osnovu člana 7. stav 1. alineja 23. Zakona o Poreznoj upravi Federacije BiH (Službene novine FBiH broj:33/02, 28/04, 57/09, 40/10, 27/12 i 7/13), člana 53. tačka 3. Zakona o porezu na dobit (Službene novine Federacije BiH broj:15/16 i 15/20), člana 200. Zakona o upravnom postupku (Službene novine Federacije BiH broj:2/98 i 48/99) i člana 7. Pravilnika o procedurama za povrat više ili pogrešno uplaćenih javnih prihoda sa jedinstvenog računa trezora Zeničko-dobojskog kantona (Službene novine Zeničko-dobojskog kantona, broj:6/05 i 8/12), dostavljamo Vam izvršno rješenje po kojem je neophodno izvršiti povrat sredstava:

13.09.2023.	ArcelorMittal Zenica doo	4218019500004	9.847.864,00 KM
-------------	--------------------------	---------------	-----------------

S poštovanjem,

ŠEF ISPOSTAVE

Semina Kustura-Imamović
Semina Kustura-Imamović, dipl.pravnik

Broj: 13-4/1-12-6-96/23 A.H.

Datum: 13.09.2023. godine

Porezna uprava Federacije BiH - Kantonalni porezni ured Zenica, Porezna ispostava Zenica, na osnovu člana 7. stav 1. alineja 23. Zakona o Poreznoj upravi Federacije BiH ("Sl. novine FBiH", broj: 33/02, 28/04, 57/09, 40/10, 27/12, 7/13, 71/14 i 91/15), člana 200. Zakona o upravnom postupku ("Sl. novine Federacije BiH", broj: 2/98 i 48/99), člana 6. i 7. Pravilnika o procedurama za povrat više ili pogrešno uplaćenih javnih prihoda sa jedinstvenog računa trezora Zeničko – dobojskog kantona ("Službene novine Zeničko-dobojskog kantona", broj: 6/05 i 8/12), u predmetu povrata više uplaćenih sredstava, po zahtjevu poreznog obveznika ArcelorMittal Zenica d.o.o. Zenica d.o.o., donosi:

RJEŠENJE

o utvrđivanju pogrešno-više uplaćenih prihoda

Porezni obveznik ArcelorMittal Zenica d.o.o. Zenica, sa sjedištem u Zenici, ulica Bulevar Kralja Tvrtka I broj 17, koji je prema poreznom rasporedu evidentiran kao porezni obveznik pod identifikacionim brojem 4218019500004 na dan 13.09.2023. godine ima više uplaćenih javnih prihoda – porez na dobit, sredstva na depozitnom računu Zeničko-dobojskog kantona u iznosu 9.847.864,00 KM.

Uplata je izvršena na depozitni račun Zeničko-dobojskog kantona, broj: 134-010-00000016-72, vrsta prihoda 711211 – porez na dobit, šifra općine 103 - Zenica.

Po izvršnosti ovo rješenje će se dostaviti na nadležnost Ministarstvu finansija ZE-DO kantona Zenica, radi donošenja rješenja o odobravanju povrata sredstava na račun obveznika ArcelorMittal Zenica d.o.o. Zenica, broj računa: 3389002207278563, otvoren kod UniCredit Bank d.d. Bosna i Hercegovina.

Žalba ne odlaže izvršenje rješenja.

Obrazloženje

Porezni obveznik ArcelorMittal Zenica d.o.o. Zenica, sa sjedištem u Zenici, ulica Bulevar Kralja Tvrtka I broj 17 dana 21.03.2023. godine, uputio je ovom organu uprave Zahtjev za povrat pretplaćenog poreza na dobit za 2022. godinu u ukupnom iznosu od 9.847.864,00 KM. Rješavajući po podnesenom zahtjevu, ovaj organ uputio je zahtjev za inspekcijski nadzor Kantonalnom poreznom uredu Zenica, sa aspekta kontrole obračuna i uplate poreza na dobit.

Inspekcijska kontrola obračuna, prijave i uplate poreza na dobit izvršena je za period poslovanja 01.01.2020. – 31.12.2022. godina. U postupku inspekcijskog nadzora, Zapisnikom o izvršenom inspekcijskom nadzoru broj: 13/09-2-12-20-678-1/23. od 19.07.2023. te Rješenjem broj: 13/09-2-12-20-678-3/23 od 22.08.2023. godine, utvrđen je osnov za korekciju poreznog bilansa, porezne osnovice i obračun dodatnih obaveza poreza na dobit za poslovne

2021.-2022. godine, iznos obaveze glavnog duga u iznosu 9.669,00 KM, te je konstatovano da obveznik ima pretplatu na vrsti prihoda 711211 – Porez na dobit.

Porezni obveznik je izvršio uplatu dodatno utvrđene obaveze dana 25.08.2023. godine.

Uvidom u zahtjev poreznog obveznika i analitičku karticu, vrsta prihoda 711211, inspekcijski zapisnik i rješenje, utvrđeno je da obveznik ima više uplaćenog poreza na dobit u iznosu od 9.847.864,00 KM.

Slijedom navedenog odlučeno je kao u dispozitivu rješenja.

Na osnovu člana 79. stav 2. Zakona o Poreznoj upravi Federacije BiH žalba ne odlaže izvršenje rješenja.

Na ovo rješenje može se izjaviti žalba Poreznoj upravi Federacije BiH - Kantonalni porezni ured Zenica u roku od osam (8) dana od dana donošenja rješenja. Žalba se predaje ovom organu neposredno u pisanom obliku, usmeno na zapisnik ili se šalje preporučeno poštom. Za podnesenu žalbu plaća se pristojba u federalnim upravnim biljezima vrijednosti 15,00 KM iz tarifnog broja 3. Tarife Zakona o federanim upravnim pristojbama i tarifi federalnih upravnih pristojbi ("Službene novine FBiH", broj: 6/98, 8/00, 45/10 i 43/13).

Dostavljeno:

1x Imenovanom

1x Ministarstvo finansija Ze-do kantona

1x a/a

ŠEF ISPOSTAVE



Semina Kustura -Imamović, dipl. pravnik



Broj: 07/02-01-11-15073-1/23
Zenica, 09.11.2023. godine

Na osnovu čl. 139. i 200. Zakona o upravnom postupku („Službene novine Federacije Bosne i Hercegovine“, broj: 2/98, 48/99 i 61/22), a u vezi sa čl. 9. i 12. Pravilnika o procedurama za povrat pogrešno ili više uplaćenih javnih prihoda sa jedinstvenog računa trezora Zeničko-dobojskog kantona („Službene novine Zeničko-dobojskog kantona“, broj: 6/05, 8/12 i 6/23), Ministarstvo financija donosi

RJEŠENJE o odobravanju povrata

1. Odobrava se poreznom obvezniku „ArcelorMittal“ d.o.o. Zenica, ul. Bulevar Kralja Tvrtka I br. 17, 72000 Zenica, ID: 4218019500004, povrat više uplaćenih javnih prihoda na depozitni račun Zeničko-dobojskog kantona broj 1340100000001672, u ukupnom iznosu od **9.847.864,00 KM**, na ime poreza na dobit, vrsta prihoda 711211, općina 103.
2. Povrat sredstava izvršiti sa transakcijskog računa Zeničko-dobojskog kantona broj 1340100000017386, na račun imenovanog broj: **3389002207278563**, otvoren kod UniCredit banke.

Obrazloženje

Rješenjem Porezne ispostave Zenica, broj: 13-4/1-12-6-96/23 A.H. od 13.09.2023. godine, utvrđeno je postojanje više uplaćenih javnih prihoda po osnovu poreza na dobit u ukupnom iznosu od 9.847.864,00 KM od strane poreznog obveznika „ArcelorMittal“ d.o.o. Zenica.

Povrat pogrešno ili više uplaćenih prihoda koji nisu uplaćeni u tekućoj godini, vrši se sa transakcijskog računa korisnika javnih prihoda, u skladu sa čl. 12. Pravilnika o procedurama za povrat pogrešno ili više uplaćenih javnih prihoda sa jedinstvenog računa trezora Zeničko-dobojskog kantona.

Stvarno stanje utvrđeno je na osnovu priložene dokumentacije u skraćenom postupku, a u skladu sa čl. 139. Zakona o upravnom postupku („Službene novine FBiH“ broj 2/98, 48/99 i 61/22), pa je obzirom na izloženo, riješeno kao u dispozitivu ovog rješenja.


U skladu sa čl. 17. stav 1. točka 1. Zakona o kantonalnim administrativnim taksama – Prečišćeni tekst („Službene novine Zeničko-dobojskog kantona“, broj: 13/02, 12/03, 4/04, 5/04, 4/08, 7/09, 2/10, 6/10, 9/10, 12/13 i 3/14), donošenje ovog rješenja je oslobođeno plaćanja kantonalne administrativne takse.

Pravna pouka

Protiv ovog rješenja može se izjaviti žalba Drugostepenoj komisiji Vlade Zeničko-dobojskog kantona putem ovog organa u roku od 15 dana od dana prijema ovog rješenja.

Dostavljeno:

- 1x Imenovanom,
- 1x Porezna ispostava Zenica,
- ☒ Odsjek za računovodstvo,
- 1x a/a.



Zeničko-dobojski Kanton	Obavijest o doznaci	
-------------------------	---------------------	--

Primalac: ALCEROLMITTAL DOO ZENICA

Naziv banke: 134 - INVESTICIONO KOMERCIJALNA BANKA
ZENICA

Adresa: ZENICA, BULEVAR KRALJA TVRTKA 17

Naziv računa: ZDK IKB TRANSAKCIJSKI RAČUN 134-010-
0000017386

Račun: 3389002207278563

Broj računa: 134-010-0000017386

Datum: 28.12.2023

plaćanja:

Broj plaćanja	Datum računa	Broj računa dobavljača	Opis	Iznos	Budžetska organizacija
2008188	09.11.2023	07/02-01-11-15073- 1/23	POVRAT VISE UPLACENIH JAVNIH PRIHODA	1.000.000, 00	MINISTARSTVO FINANSIJA

Ukupno: 1.000.000,
00

